



Акафист

**Пресвятой Богородице пред Ея иконой,
именуемой «Всецарица»**

Кондак 1

Новоявленней Твоей иконе предстояще вѣрнии/
умильно, воспеваем Ти, Всецарице, рабѣ Твоѣ;/
ниспосли цѣльбы к Тебе притекающим ныне рабѣм
Твоѣм,/ да вси радостно зовѣм Тѣ:// Рáдуйся, Всеца-
рице, недуги наша благодатию исцеляющая.

Икос 1

Ангел предстатель с небесе сшед, рече Всецарице: ра-
дуйся! И боговещанным гласом воплощаема Тя зря,
Господи, возопи к Ней таковая:

Радуйся, Главизно нашего спасения;/ **Р**адуйся Испол-
нение Зиж-дителя смотраения.

Радуйся, яко Тобою Бог воплотился;/ **Р**адуйся, яко Не-
видимый в Тебе изобразился.

Радуйся, Милость мира внутрь приявшая;/ **Р**адуйся,
одеяние плоти Слову соткавшая.

Радуйся, уму непостижная Горняя Славо;/ **Р**адуйся,
сердца оживившая Небесная Мánно.

Радуйся, Звездо, благодати сияние;/ **Р**адуйся, Источ-
нице, живыя воды излияние.

Радуйся, Богородице, в женах благословенная;/ **Р**адуй-
ся, рождающая Спаса, Дево нетленная.

Радуйся, Всецарице,/ недуги наша благодатию исце-
ляющая.

Кондак 2

Безначальное Слово Отроча младо Тобою бысть, исцеления подая Тя, Дево, чтущим и неизреченное Его Рождество воспевающим: Аллилуиа.

Икос 2

Разум недоразумеваемый разумети Дева ищущи, возопи к служащему: яко Отроковица чистая, како буду Вышняго Мати, изъясни; к Нейже Гавриил рече со страхом, зовый таковая:

Радуйся, Совета Вышняго Избрáннице;/ Радуйся, гласа молящихся Скоропослу́шнице.

Радуйся, Сокровище Христова мiра;/ Радуйся, людей Твоих Надеждо и Сiло.

Радуйся, раковые язвы дивная Губiтельница;/ Радуйся, прочих болезней Исцелiтельница.

Радуйся, единое миру Заступлeние;/ Радуйся, верное в скорбех Избавлeние.

Радуйся, плач и слезы присно утoляющая;/ Радуйся, спасения входы всем отверзáющая.

Радуйся, Скиптре и Державо Афон населяющих;/ Радуйся, Жезле монахов и мирян.

Радуйся, Всецарiце,/ недуги наша благодатию исцеляющая.

Кондак 3

Сила Вышняго осенивши Тя, Отроковице, плоть прият неизреченно, показа Тя Село сладкое, хотящим жати спасение и поющим: Аллилуиа.

Икос 3

Прославися дивно святая икона Твоя, Всецарица именуемая, егда цельбоносно явися Богоматере изображение; вопиющим же пред нею с верою исцеления подавши, да умножаются песни сицевыя:

Радуйся, Мати незаходимаго Свѣта;/ **Р**адуйся, претерпевших до конца Побѣдо.

Радуйся, в болезнях и скорбех сущим Врачевание;/ **Р**адуйся, сирот и вдовиц нерушимая Стено.

Радуйся, двери райские отверзающая;/ **Р**адуйся, труждающихся и обремененных заступающая.

Радуйся, о спасении верных Ходатаице;/ **Р**адуйся, за род человеческий Молитвеннице.

Радуйся, Лестнице небесная, возводящая от земли к небеси;/ **Р**адуйся, Водо живая, омывающая смертныя грехи.

Радуйся, Агнице, сердца незлобивых хранящая;/ **Р**адуйся, Покрове, чад Церкви осеняющий.

Радуйся, Всецарице,/ недуги наша благодатию исцеляющая.

Кондак 4

Живот мируи даруя, Владыка мира вселися во утробу Твою неискусомужно; Матерь верных Тя показав, в мире тех воспевати призва: Аллилуиа.

Икос 4

Преславная содеяшася о Тебе, Граде Божий, исцелением бывающим от святых иконы Твоея; цельбоносные струи врачеваний приемлюще, благодарственно, о Всецарице, вопием:

Радуйся, Снадобие, боль утоляющее;/ **Р**адуйся, Прохладо, жар недужных остужающая.

Радуйся, прижигающая раковыя язвы, аки пламенем;/ **Р**адуйся, поднимающая со одра оставленных врачей.

Радуйся, лик Свой пречистый избранным являющая;/ **Р**адуйся, от греховных уз разрешающая.

Радуйся, яко Тобою избавление от смерти даровася;/ **Р**адуйся, яко Тобою безсчетный сонм верных оправдася.

Радуйся, Высото, человеческими помыслы неизследованная;/ **Р**адуйся, Глубино, единым Словом изведенная.

Радуйся, Пророчество прежде Тебе бывших патриархов;/ **Р**адуйся, Наставнице Тебе молившихся иерархов.

Радуйся, Всецарице,/ недуги наша благодатию исцеляющая.

Кондак 5

Пречистый Храм Спасов познахом Тя, Отроковице;/ к Тебе припадаем, Чистая, да нас соделаеши храмы Божества, вопиющих Ему: Аллилуиа.

Икос 5

Видеша чини ангельстии на руку Твоею Создавшаго рукою человеки, и яко Владычицу разумевающе Тя едину, аще и Рабою Себе нарекла еси, потщашася песньми послужити Ти, Благословенней, сицевыми:

Радуйся, Богом поставленная превыше Небесных Сил;/ Радуйся, чудесными исцеленьми исполняющая мир.

Радуйся, хвалу и славу от небес слышащая;/ Радуйся, благодарение от земли приемлющая.

Радуйся, яко семя тли в сердцах потребила еси;/ Радуйся, яко козней диавольских ярем сокрушила еси.

Радуйся, юдоль плачевную исполнившая радостью;/ Радуйся, скорби изменяющая в небесную сладость.

Радуйся, Благоухание Богу приятное;/ Радуйся, кающихся грешников Веселие изрядное.

Радуйся, Броне правды от искушений;/ Радуйся, Щите ограждения от вражды и нестроений.

Радуйся, Всецарице,/ недуги наша благодатию исцеляющая.

Кондак 6

Проповедницы богоглаголивии, Спасовы ученицы, предсташи Ти, Дево, чудно, вегда от земли к небеси восходила еси, да единым сердцем и усты воспоют Богови: Аллилуиа.

Икос 6

Возсия дивная благодать от иконы Твоея, Всецарице, егда юноша, ученьми сатанинскими омраченный, пред нею паде и недвижим бысть; паче чаяния же от уз мрачных свободенный, со страхом и радостию взываше Ти сице:

Радуйся, Исправление нечестиваго жития;/ Радуйся, Утешение страждущих люте.

Радуйся, бесовских полчищ от Церкви Отгнание;/ Радуйся, мглы греховной Разсѣяние.

Радуйся, козней невидимых Упразднение;/ Радуйся, демонских чар всемошное Одоление.

Радуйся, Свѣтильниче, прельщенных наставляяй;/ Радуйся, Облаче, невинных от зла покрывааяй.

Радуйся, Холме, небесною манною питающий;/ Радуйся, Долино, смиреніем Христовым насыщающая.

Радуйся, Каменю Небеснаго Царствія;/ Радуйся, Зерцало превечнаго Свѣта.

Радуйся, Всецарице,/ недуги наша благодатию исцеляющая.

Кондак 7

Хотящу дати Себе в снедь верным, благоволил еси от Девы воплотиться, да приемлюще Пречистое Тело и Кровь Твою, познают Тя, Бога совершеннаго;/ тем же дивящися неизреченней премудрости сей зовем: Аллилуиа.

Икос 7

Новое показа таинство явлься Зиждитель, со ученики свершивый Тайную Свою Вечерю; мы же моляще Всецарицу удостоити нас Божественныя Святыни, восписуем Ей сицевая:

Радуйся, Подательнице Небеснаго Хлѣба;/ **Р**адуйся, Родительнице Вѣчнаго Живота́.

Радуйся, Чаше, Христу приобща́ющая;/ **Р**адуйся, душу и тело с Богом сочета́ющая.

Радуйся, Лжице златая, исполнь Божѣственныхъ Та́йн;/ **Р**адуйся, драгий Кивоте, вместилище великия Святы́ни.

Радуйся, Персте, на святую Евхаристию указу́яй;/ **Р**адуйся, Трапезо, предлагающая нам Пищу Святу́ю.

Радуйся, достойных причастников одесную поставля́ющая;/ **Р**адуйся, ревнителей Божественныя Литургии от ада избавля́ющая.

Радуйся, приводящая смертных к Источнику безсмѣртия;/ **Р**адуйся, ограждающая чад Своих миром и крѣпостию.

Радуйся, Всецари́це,/ недуги наша благодатию исцеля́ющая.

Кондак 8

Странное Рождество видевше, житейское всякое отложше попечение, горе имеим сердца;/ на сие бо Вышний явился во еже привлеци Тому вопиющия: Аллилуиа.

Икос 8

Неотступно в недрах Отческих пребывая, Слово неописанное на земли плоть бысть; Бог Велий сотвори величие Деве и призре на смирение Рабы Своея, слышащая сицевая:

Радуйся, Невместимаго Бога вместившая;/ **Радуйся**, надмирнаго Творца миру явившая.

Радуйся, яко сокрушися смерти держава;/ **Радуйся**, яко исцелися Адамова рана.

Радуйся, Пластырю, струпы душевныя заживляяй;/ **Радуйся**. Елее, язвы телесныя умащаяй.

Радуйся, Утоление болезней рождающих;/ **Радуйся**, Облегчение мук умирающих.

Радуйся, нанесшая поражение аду;/ **Радуйся**, притупившая смерти жало.

Радуйся, Чаяние всеобщаго воскресения;/ **Радуйся**, православных несомненное Спасение.

Радуйся, Всецарице,/ недуги наша благодатию исцеляющая.

Кондак 9

Всякое естество ангельское и человеческое удивися величию непостижимаго Твоего воплощения, Слове;/ недоумевающе же о сей велией тайне благочестия, со страхом и трепетом благодарственно зовем Ти: Аллилуиа.

Икос 9

Многоразличными недуги одержимии, о Всецарице, от святыя иконы Твоея паче чаяния исцеления получают, да примше верою благодать, велегласно зывают Ти:

Радуйся, здравых чад присное Сохранение;/ **Р**адуйся, болящих ко здравию Преложение.

Радуйся, детей недугующих Исцеление;/ **Р**адуйся, юных страдальцев Мати.

Радуйся, Возстание на одр болезни повёрженных;/ **Р**адуйся, Отрадо страхом смертным одержимых.

Радуйся, яко внемлещи человеков рыданиям;/ **Р**адуйся, призревающи на наша стенания.

Радуйся, более земных небесною радостью Растворение;/ **Р**адуйся, люте обуреваемых пачеестественное Терпение.

Радуйся, яко уготовляеши плачущим радость;/ **Р**адуйся, яко снабдеваеши кротких крилома молитвы.

Радуйся, Всецарице,/ недуги наша благодатию исцеляющая.

Кондак 10

Спасти хотя Зиждитель истлевшее грехом человеческое естество, сниде на Тя, яко дождь на руно, и купину Тя соделав неопалимую, Бог сый бысть человек, да воспеваем Ему: Аллилуиа.

Икос 10

Стена еси девам, Отроковице чистая, и всем о чистоте радующим; в Тя бо вселися Бог, очищаяй разумные создания Своя, да избывше всякия скверны, предлагаем Ти сицевая:

Радуйся, молчания взыскующих Собесѣднице;/ **Р**адуйся, Венче хранящих дѣвство.

Радуйся, Начало и Конецъ духовнаго совершѣния;/ **Р**адуйся, Хранилище Божественнаго откровѣния.

Радуйся, Троическаго Совета Таиннице;/ **Р**адуйся, спасения человеков Винѡвнице.

Радуйся, Вершино, гордым умам неприступная;/ **Р**адуйся, Убежище, смиреннымъ сердцамъ доступное.

Радуйся, Чистая, небесе чистѣйшая;/ **Р**адуйся, Херувимов и Серафимов Честнѣйшая.

Радуйся, Обрадованная, яко прияла еси отъ Архангела радѡвание;/ **Р**адуйся, Утешенная, яко руце Твои осязате воскресшаго Христа.

Радуйся, Всецарѣце,/ недуги наша благодатию исцѣляющая.

Кондак 11

Пение тщащесея разумное Спасу приносить, всегда неключими, Владычице, остаемся раби Твои; кто бо может достойно воспети Бога, Егоже имя яко миро излианное; сего ради вопием Ему: Аллилуиа.

Икос 11

Свет велий возсияв во тьме сидящим, посети нас, о Деве, Восток свыше, Сын и Бог Твой; Тя соделав свещею на свещнице, светоносным чадом церковным наказует приносить Ти сицевая:

Радуйся, Заре, умнаго Сólнца;/ **Р**адуйся, Вместителище Божéственного Огнѧ.

Радуйся, Свете, яко одеяние святых соткáла еси;/ **Р**адуйся, Свеще, яко тьму бесовскую отгнáла еси́.

Радуйся, косных умов Просвещéние;/ **Р**адуйся, грешных сердец Озарéние.

Радуйся, Деснице, из моря суетствий изводящая;/ **Р**адуйся, Луче, путеводяй к Царствию спасающихся.

Радуйся, Молние, нераскаянных поражающая;/ **Р**адуйся, Громе, губителей устрашающий.

Радуйся, лукавыя совести Просветлéние;/ **Р**адуйся, Умилостивление Бóжия Судá.

Радуйся, Всецарѧце,/ недуги наша благодатию исцеляющая.

Кондак 12

Благодать дати восхотев, Завета Ветхаго Податель Завет Новый нам дарова;/ мы же благодать приимше, не дела закона, но единою верою спасение улучивше, восписуем вси: Аллилуиа.

Икос 12

Поюще Твое рождество, якоже древле Израиль в кимвалех сеновную скинию воспеваше, тако мы ныне Тя, Скинию истинну, добродетельми прославляем, да слышиши всех сицевая:

Радуйся, Песне воспеваемая горé;/ **Р**адуйся, Псалме, слышимый нíзу.

Радуйся, Единому Богу достойно послужившая;/ **Р**адуйся, Божественней Троице смирением угодившая.

Радуйся, веки Носящаго носившая в Себé;/ **Р**адуйся, Престоле Содержащаго вселенную в рúце.

Радуйся, Тайно неизреченная векóв и времён;/ **Р**адуйся, Упование твердое нарóдов и племён.

Радуйся, сердечное Радование иереев благоговéйных;/ **Р**адуйся, быстрое Слышание молитв церковных и келéйных.

Радуйся, Премудрости Доме богоздáнный;/ **Р**адуйся, Милости Сосуде, Богом избрáнный.

Радуйся, Всецарíце,/ недуги наша благодатию исцеляющая.

Кондак 13

О Всецарице Мати, рождшая всех святых Святейшее Слово, нынешнее наше приявши песнопение, от всякой смертныя болезни исцели ны и будущего избави осуждения вопиющих: Аллилуиа. **Трижды.**

Икос 1

Ангел предстатель с небесе сшед, рече Всецарице: радуйся! И боговещанным гласом воплощаема Тя зря, Господи, возопи к Ней таковая:

Радуйся, Главизно нашего спасения;/ **Р**адуйся Исполнение Зиждителя смотра.

Радуйся, яко Тобою Бог воплотися;/ **Р**адуйся, яко Невидимый в Тебе изобрази.

Радуйся, Милость мира внутрь приявшая;/ **Р**адуйся, одеяние плоти Слову соткавшая.

Радуйся, уму непостижная Горняя Славо;/ **Р**адуйся, сердца оживившая Небесная Мanno.

Радуйся, Звездо, благодати сияние;/ **Р**адуйся, Источнице, живыя воды излияние.

Радуйся, Богородице, в женах благословенная;/ **Р**адуйся, рождшая Спаса, Дево нетленная.

Радуйся, Всецарице,/ недуги наша благодатию исцеляющая.

Кондак 1

Новоя́вленной Твоей иконе предстояще вѣрнии/ умиль-
но, воспеваем Ти, Всецарице, рабѣ Твоѣ;/ ниспосли
цѣльбы к Тебе притекающим ныне рабѣм Твоѣм,/ да вси
радостно зовѣм Тѣ:// Рáдуйся, Всецари́це, недуги наша
благодатию исцеля́ющая.

Молитва первая

О Всеблагая, досточудная Богородице, Пантанасса,
Всецарице! Несмь достоин да внидеши под кров мой! Но
яко милостиваго Бога любоблагоутробная Мати, рцы
слово, да исцелится душа моя и укрепится немощст-
вующее тело мое. Имаши бо державу непобедимую и не
изнеможет у Тебе всяк глагол, о Всецарице! Ты за мя
упроси. Ты за мя умоли. Да прославляю преславное имя
Твое всегда, ныне и в безконечныя веки. Аминь.

Молитва вторая

О Пречистая Богомати, Всецарице! Услыши многоболезненное воздыхание наше пред чудотворною иконою Твоею, из удела Афонскаго в Россию принесенною, призри на чад Твоих, неисцельными недуги страждущих, ко святому образу Твоему с верою припадающих! Якоже птица крилома покрывает птенцы своя, тако и Ты ныне, присно жива сущи, покрый нас многоцелебным Твоим омофором. Терпением и Ослабою явися. Тамо, идеже надежда исчезает, несумненною Надеждою буди. Тамо, идеже лютые скорби превознемогают, Тамо, идеже мрак отчаяния в души вселися, да возсияет неизреченный свет Божества! Малодушных утеши, немощныя укрепя, ожесточенным сердцам умягчение и просвещение даруй. Исцели болящия люди Твоя, о Всемиловитая Царице! Ум и руки врачующих нас благослови, да послужат орудием Всемощнаго Врача Христа Спаса нашего. Яко живей Ти, сущей с нами, молимся пред иконою Твоею, о Владычице! Простри руке Твой, исполненные исцеления и врачбы, Радосте скорбящих, в печалех Утешение, да чудотворную помощь скоро получив, прославляем Живоначальную Нераздельную Троицу, Отца, Сына, и Святаго Духа во веки веков. Аминь.